



Hermengildus Visigothus filius fuit Leonogildi regis Visigothorū, qui foelici ingenio omnes æquales suos superauit. Id cum Leāder Hispalensis præsul animaduertisset, iuuenem ab Arriana lue sua doctrina reuocauit, atque in ueritate catholica instituit. Accedebāt etiam uxoris Irgundi regis Metensium Sigisberti filiaē pia molita. hinc factum, ut non modò ueram fidem amplecteretur, uerùm etiam alios suæ gentis homines ad eam sententiam pellicere tentaret. Id cum pater Leonogildus intellexisset, præmijs & pœnis filium à suo proposito auertere conabatur. Cum aut̃ nihil hac ratione efficeret, iratus pater eum perse-

quitur, atq; tandem captum tormētis quibusdam ad Arrianam impuritatem reducere tentat. Verum cum constans Hermengildus permaneret, securi percussus fuit.